

鬼

學

己未七月

鬼

學

施保昌題

民國八年十一月出版

(全二册)
定價二元六角



著者 摩連氏

譯者 汪達摩

編訂者 白淨識

發行者 上海望平街
東震圖書公司

分售處 各大書坊

代印處 大平洋印刷公司

如
是
如
是

可

廬



直

顯

真

源

鏡

廬



序

鬼

學

新學之昌也。當世士夫競以物質科學相尚而破除迷信之聲遂瀾漫洋溢於中國幽窅之理。半覺之道羣相唾棄無復措意及之者。白子曰：是亦迷之甚者也。夫迷與不迷相爲待對。是丹非素即墮一邊。脫究其眞必有大覺而後能破大迷。亦必能破彼是覺迷之閑而後能稱大覺。斯理頗邃。姑不具言。所宜知者迷者何也。昏昧不明了之謂也。信舊說者不了。舊之是若非而漫焉。信之斯誠迷也。信新學者不了。新之是若非而漫焉。信之是亦迷也。顧彼迷於舊者不知己之迷。亦不知人之迷也。是則迷而尙可救也。迷猶淺也。迷於新者不承己之迷而反斥人之迷焉。是則迷而自謂不迷。所謂迷於迷也。迷尤不可救也。復次迷者膠執不通達之謂也。信舊說者不問是若非而一切信之。是執於信也。是固迷也。信新說者不問是若非而一切不信。是執於不信也。是亦迷也。顧迷於信者所信有非亦或有是。是迷者半而不迷亦半也。是於不信者非固不信。是亦不信。是壹於不信也。是壹於迷也。鬼神之說學者斥爲迷信久矣。今夏老友汪子有鬼學之作。人或疑曰：此翁此作其將以揚迷信之波歟。白子曰：否。是則眞能破迷信者。

也。余友某君有言。世之人有兩大迷信。一曰鬼神。二曰科學。鬼神之迷。易破。而科學之蔽。難除。今是書出。鬼之真相。由是著。而不爲傳說所盲。是破第一迷也。物質科學家之妄執。由是融。而不爲潮流所誤。是破第二迷也。二障既消。一真涌現。汪子之功。將與佛土並永。豈特勝於三千大千世界七寶。以用布施而已哉。

己未九秋白淨識

鬼學目錄

卷一

原鬼論合釋

卷二

靈魂學評

卷三

密宗對鬼諸法摘錄



鬼學卷一

原鬼論合釋

丹陌摩連氏造論

古瀛汪達摩譯釋

同邑白淨識校訂

將釋此論四門分別。初明義。二明體。三明原。四明相。今初。

初明義。二初總標。

今造此論爲窮鬼理立鬼學故。

論謂論議在內教屬阿毘曇部。理訓本指治玉。今此理言乃指治此學之義。理窮者盡義推究之而至其盡也。學含效覺二義。效者法效屬今軌範學。覺者覺知屬今說明學。說明鬼理是名鬼學。覺義攝也。立謂建立成立鬼學。向未成科論主意。以此論所明建立之故。云此三句總揭造論大意。向下方顯鬼義。

次通義

云何名鬼。若順世解。魂卽是鬼。所差別者。根識連持。識但名魂。而不名鬼。及捨四大。卽得鬼名。如是說鬼。是爲通義。

此且隨順世間常解。立通義也。按魂本氣義。說文鬼陽氣也。春秋傳疏。附形之靈。爲魄。附氣之神。爲魂。禮檀弓。魂氣則無不之也。是也。鬼本歸義。說文人所歸爲鬼。爾雅。鬼之爲言歸也。列子。鬼歸也。精神離形。各歸其真。故謂之鬼。是也。今論旣宗佛說。歸義已不稱理。至若陽氣之話。尤與精神離形。各歸其真之義相違。是依唐言。魂鬼相非。今爲隨順常解。故且說魂卽是鬼。又以魂擬內教之識。識者了別之義。了別有二。一細。二麤。初通諸識。後唯前六。前者眼耳鼻舌身意。六識也。七末那。識具云。訖利瑟吒耶末那。此翻染污意。貪瞋見慢。四惑常俱。故名染污。恒審思量名之。爲意。謂恒常審察思量。計第八爲我也。又第六雖能分別五塵好惡。而由此識傳送相續。執取。故名傳送。識入阿賴耶。識舊翻無沒。謂真如隨生死遷流。不失不壞也。奘師就義。翻爲藏。識謂能含藏諸法。種故。藏有三義。謂能藏。所藏。我

愛執藏以能含藏善惡種子歷劫不壞約持種義邊名爲能藏又此識是前根身器界善惡種子所藏之處約受熏義邊名爲所藏又此藏識是末那堅執爲自內我故云我愛執藏此識乃真如在纏之名卽衆生之佛性善惡之本元一切有情所計之自我由不覺無明與本覺真如利合而成是中義趣乎遂後當廣明取要言之唯一真心迷之而成八識此八前六有時止息惟八及七相續無間此第八賴耶卽世俗所忍爲魂者也四大謂地水火風假合之色身識捨四大者賴耶藏識生時先來死時後去人當死時身心昏昧如睡無夢極悶絕時明了意識必不現起六種轉識行相所緣必不能知是散有心名生死心（卽八識）此時緣善惡業下上身分冷觸漸起頌云頂聖眼生天人心餓鬼腹旁生膝蓋離地獄脚板出蓋人死時眼不見耳不聞五識先無心不知六識亦無唯身煖則八識尙在八識離身卽冷也是故但驗最後何處熱者可辨升沉之相如頌言頂熱成聖眼熱生天心熱仍生人道腹熱則墮鬼趣膝蓋熱作旁生脚板熱入地獄古時聖人以杖扣骨卽知識所趣處亦同此理世智每疑身死氣散誰受業報彼皆未曾知有八

識耳。又有頌云。善業從下冷。惡業從上冷。二皆至於心。一處同時捨。上來所說。魂鬼識。三是二非。一世俗不了。執爲一物。論主隨順世間解。故且立此爲通義也。

三。正義。二。初。標宗。

若約正義當依佛說。所以者何。一切義理。佛最勝。故一切知見。佛最真。故

此表正義所宗依也。梵語佛具云。佛陀耶。此云覺者。含自覺覺他覺滿三義。是世主十號之一十號者。謂如來應供。正徧。知。明。行。足。善。逝。世。間。解。無。上。士。調。御。丈。夫。天人師。佛是也。具此十號。乃稱世尊。此土現在本師。號釋迦牟尼。釋迦此云能仁。是姓。牟尼此云寂默。是名。是釋迦如來經。三阿僧祇劫。滿六度。行復經百劫。修相好。因覺行圓滿。乃從兜率天宮降生。南閻浮提天竺迦維衛國爲淨梵王太子。時此土周昭二十九年甲寅四月八日也。佛既出胎。聖智卓異。至十九歲觀諸衆生。生老病死。衆苦交煎。生大悲愍誓求至道。拔濟衆生。令離諸苦。獲究竟樂。爰捨尊位。夜出王宮。入於雪山。苦行六載。臘月八日。沸星出時。廓然大悟。成最正覺。證

無上道爲天人師不住涅槃轉大法輪初說華嚴根本大法小機不了充耳無聞乃於鹿苑說四諦法名阿含部是爲小乘次說方等次說般若最後乃說法華涅槃開權顯實會麤入妙綜計如來一代時教乘教分判諸家各殊舉要言之乘三或五謂小中大三或人天小大一五教四或五謂藏通別圓四或小始終頓圓五融攝萬派色博無垠度越百家超卓絕對性相有空稱理而說偏圓半滿逗機而施洵乎最勝最眞迴非羣教羣學所能跂也

今論所宗小大偏圓兼採並攝總蘄不肯佛指蓋論主所學雖至沉博而顯崇佛說寢饋於斯海西法將唯此一人誠近代哲人中之大師子王也

次顯義

如佛藏言十法界中有情業識乘中品惡所取惡趣重於旁生輕於地獄卽名爲鬼此約內教釋鬼義也藏謂三藏一脩多羅卽經藏二阿毘曇卽論藏三毘奈耶卽律藏佛藏者如來垂示後世之大藏正教也十法界謂四聖六凡四聖者一佛二菩薩三緣覺四聲聞也六凡者一天二人三阿修羅四畜生五餓鬼六地獄也此

六。後。三。名。三。惡。趣。梵。語。薩。埵。此。云。有。情。是。凡。聖。通。稱。簡。無。情。故。名。為。有。情。業。識。者。造。業。之。識。後。當。廣。明。惡。者。善。之。反。通。言。惡。者。謂。五。逆。十。惡。之。類。五。逆。謂。害。父。害。母。害。阿。羅。漢。出。佛。身。血。破。和。合。僧。十。惡。者。身。三。謂。殺。盜。婬。口。四。謂。妄。言。兩。舌。惡。口。綺。語。意。三。謂。貪。瞋。邪。見。（或貪瞋癡）言。中。品。者。泛。說。善。惡。皆。有。三。品。三。位。明。之。一。約。境。且。如。殺。生。殺。人。為。上。殺。畜。為。中。蚊。蚋。為。下。不。殺。反。此。謂。不。殺。人。為。下。不。殺。蚊。蚋。為。上。二。約。心。不。論。善。惡。但。猛。利。心。作。為。上。泛。爾。心。作。為。下。庸。庸。為。中。三。約。時。若。善。若。惡。但。三。時。無。悔。為。上。二。時。無。悔。為。中。一。時。為。下。修。上。品。善。與。定。心。俱。兼。脩。四。禪。八。定。者。生。色。界。無。色。界。總。二。十。二。天。如。後。釋。修。上。品。善。與。散。心。俱。者。生。六。欲。天。如。後。釋。修。中。品。善。行。五。常。持。五。戒。生。人。道。中。四。洲。不。同。謂。東。弗。婆。提。南。閻。浮。提。西。瞿。耶。尼。北。鬱。單。越。苦。樂。相。間。行。下。品。善。懷。猜。忌。心。雖。行。五。常。欲。勝。他。者。入。阿。修。羅。道。在。海。岸。海。底。宮。殿。嚴。飾。常。好。鬪。戰。怕。怖。無。極。後。當。廣。明。作。下。品。惡。者。感。畜。生。身。（即旁生）此。道。遍。在。諸。趣。披。毛。帶。角。鱗。甲。羽。毛。四。足。多。足。有。足。無。足。水。陸。空。行。互。相。吞。啖。受。苦。無。窮。作。中。品。惡。者。入。鬼。道。中。（即餓鬼。梵。云。閻。黎。哆。餓。鬼。最。苦。是。

正鬼也。此道亦遍諸趣。有福德者。福德未盡。暫受樂報。無福德者。居不淨處。不得飲食。常受鞭打。填河塞海。受苦無量。廣如後三門具說。作上品惡者。墮地獄道。在地之下。故言地獄。謂八寒八熱等八獄。各有眷屬。其類無數。其中受苦者。隨其作業。各有輕重。經劫數等。其最重處。一日之中。八萬四千生死。經苦無量。廣如後說。按中鬼下畜依雜集等論說。若依華嚴二地。則以畜生爲中以鬼爲下。清涼引正法念處經會云。然此三塗（卽三惡道）各有邊。正正者爲重。邊者爲輕。正鬼望邊。畜則鬼重。畜輕。如今文是。正畜望邊。鬼則畜重。鬼輕。如華嚴說。

四總束二初束前

以要言之。所言鬼者。若約通義。捨生後之心識。卽是若約正義。心識所取中惡趣。是躡前雙束。結成前意也。問此心識。言爲有別爲無別。答或別。不別。言不別者。婆沙云。心卽意識如火名。燄亦名爲熾。亦名燒薪。祇是一心有三差別。二十唯識云。心意識了名之差別。注此之四名。其體無異。但名差別。心者積集。義識者了別。義積集。有二一集行相。二集種子。初通諸識。後唯第八了別。亦二一細二麤。如前所說。

原鬼論合釋

八

言有別者。或云過去名。意未來名。心現在名。識或云在界名。心在入名。意在陰名。識或云集起名。心思量名。意了別名。識或云雜色名。心如六道由心繫屬名。意如五根屬。意語想名。識如分別屬。識或云心有四種。一肉團心。五藏中火也。二緣慮心。通八種識。俱能緣慮自分境。故三集起心。集諸種子起現行。故四堅實心。卽如來藏性。是也。或云心有六義。一集起名。心唯屬第八集諸種子起現行。故二積集名。心屬前七轉能熏積集諸法種。故三緣慮名。心俱能緣慮自分境。故四或名爲識。了別義。故五或名爲意。等無間。故六或第八名。心第七名。意前六名。識又大乘入楞伽偈云。心能積集業。意能廣積集。了別故名。識對現境。說五又楞伽偈云。心如工伎兒。意如和伎者。五識爲伴侶。妄想觀伎衆。已上釋心意識三總是同體異名。今言心識卽兼指真心業識如世諦所計爲魂者耳。（八識賴耶亦名本識一切種子所依止。故亦名宅識。一切種子所棲處。故）

次開後。

二義既明。下當廣說體用本末及諸行相。以窮鬼理而立鬼學。